



Broj predmeta: 13-000387/21
Broj akta: 01.1-1413EK-0019/21
Datum, 11.5.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-000387/21 od 16.04.2021. godine, kao i Mišljenja Pravobranilaštva Brčko distrikta BiH broj: M-510/21 od 07.05.2021.godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUĐAČA

Član 1.

U provedenom otvorenom postupku za javnu nabavku i isporuku uniforme (radne odjeće i obuće) za potrebe domara za potrebe Odjeljenja za obrazovanje Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je: „**RM COMPANY**“ d.o.o. Zenica.
Vrijednost ugovora sa uračunatim PDV-om iznosi

26.869,52 KM.

Obrazloženje

Komisija za nabavke je nakon izvršenog otvaranja ponuda konstatovala da su do momenta otvaranja ponuda, dostavljene dvije ponude i to ponuđača „RM Company“ d.o.o. Zenica i „Grubin Export-Import“ d.o.o. Brčko. Sastavni dio odluke čini zapisnik sa otvaranja ponuda. Analizom dostavljenih ponuda Komisija je utvrdila da su ponude ponuđača bile prihvatljive u pogledu načina pripreme, dostave, oblika i sadržaja ponuda. Dalje je Komisija ustanovila da su ponuđači kvalifikovani u skladu sa zahtjevima postavljenim tenderskom dokumentacijom. Budući da se predmetnom tenderskom u dijelu tehničko – profesionalne sposobnosti (tačka 3.4.1) zahtjevala ispunjenost određenih standarda i dostava određenih sertifikata (tačkom 3.4.2), a da Komisija ne posjeduje stručna znanja vezano za naprijed navedeno, upućen je dopis Odjeljenju za obrazovanje da se izjasne po istom. Dana 02.04.2021. godine Odjeljenje za obrazovanje je dostavilo mišljenje broj: 13-000387/21 od 01.04.2021. godine da dostavljeni uzorci i ponude ponuđača u potpunosti ispunjavaju uslove propisane tenderskom dokumentacijom. Na osnovu mišljenja dostavljenog od strane Odjeljenja za obrazovanje oba ponuđača su ocijenjeni kao kvalifikovani. Nakon otvaranja ponuda članovi Komisije imenovani ispred Odjeljenja obrazovanje su preuzeli po jednu kopiju od svih ponuda kako bi izvršili računsku kontrolu ponuda. Nakon izvršene računske kontrole ponuda uočeno je da u ponudi ponuđača „RM Company“ d.o.o. Zenica, postoji računska greška koju su navedeni članovi komisije ispravili, a na šta je saglasnost dao ponuđač. Dalje je Komisija, prije provedene e-aukcije, razmotrila ponude sa aspekta mogućnosti da se radi o neprirodno niskoj cijeni ponude, te je ustanovila da ne postoje elementi za sumnju na neprirodno nisku cijenu najpovoljnije ponude. U daljem toku postupka, Komisija je, u skladu sa odredbama tenderske dokumentacije zakazala e-aukciju. Nakon provedene e-aukcije Komisija je utvrdila da je najpovoljnija ponuda u okvirima procijenjene vrijednosti nabavke, te je dala preporuku o izboru najpovoljnijeg ponuđača u skladu sa kriterijumom najniže cijene.

Član 2.

Postupak je proveden na osnovu Posebne odluke o pokretanju postupka javne nabavke broj: 13-000387/21 od 25.02.2021. godine i Obavještenja o nabavci broj: 1157-1-1-101-3-162/21 objavljenim dana 09.03.2021. godine, specifikacijom roba i ponudom najpovoljnijeg ponuđača.

Član 3.

Finansiranje navedene nabavke će se izvršiti iz tekućeg budžeta Odjeljenja za obrazovanje za 2021. godinu, organizacioni kod 2004, 2005 i 2006, ekonomski kod 613400.

Član 4.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za obrazovanje,
4. Gradonačelniku,
5. Zamjeniku gradonačelnika
6. «Službenom glasniku Brčko distrikta BiH»,
7. Arhivi.



GRADONAČELNIK

Ised Kadrić

Ised Kadrić